

大學

全一冊

大學

光緒壬辰年
浙江書局刊

大學章句序

大學之書。古之大學。所以教人之法也。蓋自天降生民。則既莫不與之以仁義禮智之性矣。然其氣質之稟。或不能齊。是以不能皆有以知其性之所有而全之也。一有聰明睿智。能盡其性者。出於其間。則天必命之以爲億兆之君師。使之治而教之。以復其性。此伏羲神農黃帝堯舜所以繼天立極而司徒之職。典樂之官。所由設也。三

代之隆其法寢備。然後王宮國都以及閭巷莫不有學。人生八歲則自王公以下至於庶人之子弟皆入小學而教之以灑掃應對進退之節。禮樂射御書數之文。及其十有五年則自天子之元子眾子以至公卿大夫元士之適子與凡民之俊秀皆入大學而教之以窮理正心脩己治人之道。此又學校之教大小之節所以分也。夫以學校之設其廣如此教之之術其次第節

目之詳又如此。而其所以爲教。則又皆本
之人。君躬行心得之餘。不待求之民生日
用彝倫之外。是以當世之人無不學。其學
焉者。無不有以知其性分之所固有。職分
之所當爲。而各俛焉以盡其力。此古昔盛
時。所以治隆於上。俗美於下。而非後世之
所能及也。及周之衰。賢聖之君不作。學校
之政不脩。教化陵夷。風俗頹敗。時則有若
孔子之聖。而不得君師之位。以行其政教。

於是獨取先王之法。誦而傳之。以詔後世。若曲禮少儀內則弟子職諸篇。固小學之支流餘裔。而此篇者。則因小學之成功。以著大學之明法。外有以極其規模之大。而內有以盡其節目之詳者也。三千之徒。蓋莫不聞其說。而曾氏之傳。獨得其宗。於是作爲傳義。以發其意。及孟子沒。而其傳泯焉。則其書雖存。而知者鮮矣。自是以來。俗儒記誦詞章之習。其功倍於小學。而無用。

異端虛無寂滅之教其高過於大學而無
實其他權謀術數一切以就功名之說與
夫百家眾技之流所以惑世誣民充塞仁
義者又紛然雜出乎其閒使其君子不幸
而不得聞大道之要其小人不幸而不得
蒙至治之澤晦盲否塞反覆沈痼以及五
季之衰而壞亂極矣天運循環無往不復
宋德隆盛治教休明於是河南程氏兩夫
子出而有以接乎孟氏之傳實始尊信此

篇而表章之。旣又爲之次其簡編發其歸趣。然後古者大學教人之法。聖經賢傳之指。粲然復明於世。雖以熹之不敏。亦幸私淑而與有聞焉。顧其爲書。猶頗放失。是以忘其固陋。采而輯之。閒亦竊附己意。補其闕略。以俟後之君子。極知僭踰。無所逃罪。然於國家化民成俗之意。學者脩己治人之方。則未必無小補云。清熙己酉二月甲子新安朱熹序。

疑字辨

大學

在親民

知止而后有定

克明峻德

此之謂自謙

身有所忿懣

之其所親愛而辟焉

上恤孤而民不倍

親當作新

后後同下凡有

而后字倣此

峻書作俊

謙作慊

身作心

辟作僻後辟字

多倣此

倍背同後倍字

多倣此

儀監于殷

儀詩作宜

命也

命作慢

中庸

素隱行怪

素作索

辟如行遠必自邇

譬同後辟字多

樂爾妻帑

倣此樂音洛

憲憲令德

帑通孥憲作顯

其如示諸掌乎

示視同

既稟稱事

既作餽稟作廩

一卷石之多

卷與拳同

裁及其身者也

裁古灾字

霜露所隊

隊同墜

奏假無言

假格同

論語

而眾星共之

共作拱

不如諸夏之亡也

亡古無字

其如示諸斯乎

示視同

無所取材

材裁同

井有仁焉

仁作人

不至於穀

至作志

毋意毋必

毋作無

瓜祭

瓜作必

莫春者

莫作暮

九合諸侯

九作糾

鄉原

原作愿

君子義以爲上

上尙同

君子不施其親

施作弛

日知其所亡

亡作無

多見其不知量也

多與祇同

孟子

時日害喪

害音曷

願比死者一洒之

洒洗同

由水之就下

由作猶

無以

以已通

吾惛

惛昏同

欲辟土地

辟闢同後
皆倣此

句踐事吳

句作勾

一人衡行於天下

衡橫同

反其施倪

施耄同

太王居邠

邠幽同

由反手也

由猶同

猶方百里起

猶由通

內交

內讀爲納

由弓人而恥爲弓

由猶通

木若以美然

以已通

龍斷

龍 龍同

今滕絕長補短

絕 猶截

草尙之風

尙 作上

則市賈不貳

賈 同價

出疆必載質

質 贅同

不以急乎

以 已通

匪厥玄黃

匪 筐同

閉門而不內

內 納同

已頻顙曰

顙 蹙同

利其菑

菑灾同

毆魚毆爵

毆驅同爵雀同

道在爾

爾邇通

人不足與適也

適謫同

其橫逆由是也

由猶通

由己溺之也

由猶通

舜尙見帝

尙上同

庶人不傳質爲臣

質贄同

耆炙

耆嗜同後耆字
倣此